

Na osnovu člana 16. stav 4. Zakona o Vladi Zeničko-dobojskog kantona (“Službene novine Zeničko-dobojskog kantona”, broj 7/10), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na 169. sjednici, održanoj 19.06.2014. godine, d o n o s i

ZAKLJUČAK

I.

Prihvata se Informacija o koncesijama na vodama za 2013. godinu, koju je izradilo Ministarstvo za poljoprivredu, šumarstvo i vodoprivredu Zeničko-dobojskog kantona.

II.

Informacija iz tačke I. ovog zaključka upućuje se u skupštinsku proceduru.

III.

Zaključak stupa na snagu danom donošenja.

Broj: 02-_____/14.

Datum, 19.06.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1 x Stručna služba Skupštine,

1x Ministarstvo za poljoprivredu, šumarstvo i vodoprivredu,

1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**INFORMACIJA O KONCESIJAMA
NA VODAMA
ZA 2013. GODINU**

Zenica, maj 2014. godine

SADRŽAJ:

UVOD	2
1. DODIJELJENE KONCESIJE DO 2013. GODINE	3
1.1. Dodijeljene koncesije za korištenje vode za flaširanje	3
1.2. Dodijeljene koncesije za izgradnju malih hidroelektrana	4
2. DODJELA KONCESIJA NA VODAMA U 2013. GODINI	5
2.1. Dodijeljene koncesije	5
2.2. Postupci koji su u toku	5
2.3. Postupci koji su prekinuti ili obustavljeni	11
3. KONCESIONA NAKNADA U 2013. GODINI	12
4. ZAKLJUČAK	14

UVOD

Programom rada Vlade Zeničko-dobojskog kantona za 2013. godinu u mjesecu maju planirano je razmatranje i usvajanje Informacije o koncesijama na vodama za 2013. godinu, na prijedlog Ministarstva za poljoprivredu, šumarstvo i vodoprivredu, a Programom rada Skupštine za 2013. godinu predmetna informacija planirana je za mjesec juni.

Oblast koncesija uređena je sljedećim zakonima:

- Zakon o koncesijama Bosne i Hercegovine („Službeni glasnik Bosne i Hercegovine“, broj: 32/02),
- Zakon o koncesijama Federacije Bosne i Hercegovine („Službene novine Federacije Bosne i Hercegovine“, broj: 40/02 i 61/06),
- Zakon o koncesijama Zeničko-dobojskog kantona („Službene novine Zeničko-dobojskog kantona“, broj: 05/03),
- Odluka o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13),
- Zakon o vodama („Službene novine Federacije BiH“, broj: 70/06), i
- Zakon o vodama („Službene novine Zeničko-dobojskog kantona“, broj: 17/07).

U skladu sa navedenim, nadležnosti Kantona u oblasti dodjele koncesija su slijedeće:

1. istraživanje i/ili eksploatacija:
 - energetske mineralne sirovine (ugalj, sirova nafta, zemni gas i dr.),
 - metalnih i nemetalnih mineralnih sirovina iz primarnih i sekundarnih ležišta,
 - svih vrsta soli i solnih voda,
 - ljevitih, termalnih i mineralnih voda i izvorišta prirodnih voda za piće.
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/ili korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdijevanje gradova i naselja,
11. snabdijevanje toplinom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

Od donošenja Zakona o koncesijama Zeničko-dobojskog kantona, Ministarstvo za poljoprivredu, šumarstvo i vodoprivredu je imalo vrlo dinamične i obimne aktivnosti vezane za dodjelu koncesija. Aktivnosti su vođene uglavnom po osnovu samoinicijativnih ponuda/ zahtjeva, a odnosili su se na dodjelu koncesija za eksploataciju mineralne/prirodne vode radi flaširanja i izgradnju hidroenergetskih objekata snage do 5 MW.

Imajući u vidu naprijed navedeno, Ministarstvo za poljoprivredu, šumarstvo i vodoprivredu je u izvještajnom periodu realizovalo niz aktivnosti vezanih za dodjelu koncesija, i pored činjenice da u unutrašnjoj sistematizaciji i organizaciji radnih mjesta ne postoji radno mjesto odnosno referat za izvršenje poslova po Zakonu o koncesijama, koje je neophodno radi obimnosti poslova iz resora ovog Ministarstva u oblasti koncesija. Ovo posebno iz razloga povećane tendencije

podnošenja samoinicijativnih zahtjeva za dodjelom koncesija na vodama, osobito za izgradnju hidroenergetskih objekata.

U nastavku Informacije dat je pregled dodijeljenih koncesija do 2013. godine i u 2013. godini, te finansijskih tokova i programa aktivnosti u 2013. godini.

1. DODIJELJENE KONCESIJE DO 2013. GODINE

1.1. Dodijeljene koncesije za korištenje voda za flaširanje

Od donošenja Zakona o koncesijama do 2013. godine, dodjela koncesija na vodama i javnom vodnom dobru imala je izuzetno dinamičan tok. U tabeli 1. dat je pregled privrednih subjekata - koncesionara kojima je dodijeljena koncesija na vodama za eksploataciju radi flaširanja.

**TABELA 1.: Pregled dodijeljenih koncesija na vodama do 2013. godine
- eksploatacija vode radi flaširanja**

R. br.	KONCESIONAR - SJEDIŠTE	LOKALITET /OPĆINA	PREDMET KONCESIJE	ODLUKA VLADE / UGOVOR	VRIJEME VAŽENJA KONCESIJE (GODINA)
1	2	3	4	5	6
1.	„CELVIK – KISELJAK“ d.o.o. Tešanj	Dolac / Tešanj	Crpljenje mineralne vode	Odluka Vlade 02-25-5005/03 od 11.03.2003. god. Ugovor: 06.06.2003.	30
2.	„Prirodni kiseljak Princess“ d.o.o. Tešanj	Oraš – Planje/ Tešanj	Crpljenje mineralne vode	Odluka Vlade 02-25-5004/03 od 11.03.2003. god. Ugovor potpisan: 02.06.2003.	30
3.	„TEŠANJSKA VRELA“ d.o.o. Tešanj	Cerik/ Tešanj	Crpljenje mineralne vode	Odluka Vlade 02-25-23244/03 27.10.2003. g. Ugovor potpisan: 08.03.2004.	30
4.	„ZEMA, d.o.o. Tešanj	Raduša/ Tešanj	Crpljenje mineralne vode	Odluka Vlade 02-25-172/04 30.12.2003. g. Ugovor: potpisan 08.03.2004.	30
5.	„MISIR“ d.o.o. Olovo	Ridanik/ Olovo	Crpljenje prirodne vode	Odluka Vlade 02-25-15128/04 od 12.07.2004. g. Ugovor potpisan: 21.10.2004.	30
6.	„MAPEX“ d.o.o. Maglaj	Omerdino Polje/ Maglaj	Crpljenje prirodne i mineralne vode	Odluka Vlade 02-25-16495/04 od 05.03.2004. g. Ugovor potpisan: 28.10.2004.	30
7.	„IRIŠKIĆ“ d.o.o. Tešanj	Jezeračka rijeka/ Zenica	Crpljenje prirodne vode	Odluka Vlade 02-25-16492/04 od 05.08.2004. g. Ugovor potpisan: 19.11.2004.	30
8.	„AZ-EN PETROL“	Podjezera/ Zenica	Crpljenje prirodne vode	Odluka Vlade: 02-25-32628/08 od 14.10.2008. god. Ugovor o koncesiji potpisan 13.12.2011. god.	30

Za koncesionara „MISIR“ d.o.o. Olovo u toku je pokušaj iznalaženja mogućnosti da novi koncesionar preuzme koncesiju, jer navedeni koncesionar ne izvršava svoje obaveze, niti je punionica vode u pogonu. U suprotnom, Ministarstvo će pokrenuti postupak prinudne naplate dugovanja i postupak raskida koncesionog ugovora. Ostale punionice vode su u funkciji.

1.2. Dodijeljene koncesije za izgradnju malih hidroelektrana (MHE)

Pregled dodijeljenih koncesija za izgradnju malih hidroelektrana (u daljem tekstu: MHE), u periodu od donošenja Zakona o koncesijama do 2013. godine, dat je u narednoj tabeli.

TABELA 2. Pregled dodijeljenih koncesija za izgradnju MHE

Naziv objekta	Vodotok	Općina	Instalirana snaga (kW)	Moguća godišnja proizvodnja (GWh)	Koncesionar	Odluka Vlade o dodjeli koncesije	Ugovor o koncesiji (broj/datum)	Koncesion a naknada (% od uk. prih. od prodaje el.energije)	Rok za početak probnog rada
MHE Botašnica ušće	Gostović	Zavidovići	997	4,999	„EBH“ d.o.o. Sarajevo	02-25-7670/06 od 29.03.2006. i 02-25-10967/06 od 18.05.2006. Odluka o prenosu sa „PRIMUS-ENERGY“ na „EBH“ br. 05-25-15351/10 od 24.05.2010.	05-25-10967-1/06 od 03.07.2006. (Ugovor o prenosu: 05-25-10967-5/06 od 03.06.2010.) 05-25-15351-1/10 od 03.06.2010.	3,1	03.06.2014.
MHE Rujevica-ušće	Gostović	Zavidovići	815	4,292	„EBH“ d.o.o. Sarajevo	02-25-7671/06 od 29.03.2006. i 02-25-10966/06 od 18.05.2006. Odluka o prenosu sa „PRIMUS-ENERGY“ na „EBH“ br. 05-25-15352/10 od 24.05.2010.	05-25-10966-1/06 od 03.07.2006. (Ugovor o prenosu: 05-25-10966-5/06 od 03.06.2010.) 05-25-15352-1/10 od 03.06.2010.	3,6	03.12.2014.
MHE Kamenica	Gostović	Zavidovići	845	4,185	„EBH“ d.o.o. Sarajevo	02-25-7668/06 od 29.03.2006. 02-25-25560/06 od 28.11.2006. 02-25-15354/10 od 24.05.2010. godine	02-25-25181/06 od 08.12.2006. Aneks ugovora br. 05-25-25181-1/096 od 09.12.2008. Aneks II ugovora br. 05-25-05-25-25181-3/06 od 03.06.2010.	2,4	08.12.2011.
MHE Čardak	Gostović	Zavidovići	1.459	7,821	„EBH“ d.o.o. Sarajevo	02-25-7669/06 od 29.03.2006. 02-25-25561/06 od 28.11.2006. 05-25-30491/11 od 01.12.2011.	02-25-26182/06 od 08.12.2006. Aneks ugovora br. 05-25-25182-1/096 od 09.12.2008. Aneks II ugovora br. 05-25-05-25-25182-3/06 od 03.06.2010. Aneks III ugovora br. 05-25-25182-5/06 od 07.12.2011. godine	3,1	08.12.2012.
MHE Bistričak	Bistričak	Zenica	810	4,035	„ADRIJA-PRODUKT“ d.o.o. Zenica	02-25-21507/06 od 11.10.2006. ; 02-25-17520/10 od 11.06.2010. ; 02-25-33979/10 od 30.12.2010.	05-25-24041/07 od 18.10.2007. godine; aneks ugovora br. 05-25-24041-1/06 od 09.07.2010. aneks II ugovora br. 05-25-24041-4/06 od 18.01.2011.	1,1	19.04.2011.
MHE Čajdraš	Magistralni cjevovod zeničkog vodovoda	Zenica	485	3,633	JP „Vodovod i kanalizacija“ d.o.o. Zenica	02-25-19680/09 od 30.07.2009.	05-25-2583-7/09 od 06.09.2010.	2,0	06.07.2012.
MHE Vareš	Stavnja	Vareš	1.100	5,890	„EKO-ENERGY“ d.o.o. Tešanj	02-25-17617/12 od 09.08.2012. godine	-	1-10 god 7% 11-20 god 15,5 % 21-30 god 21 %	3 mjeseca od izdavanja odobrenja za upotrebu
MHE Podjezera	Jezeračka rijeka	Zenica	460+190	4,870	„ELING-INŽINJERING“ d.o.o. Teslić	02-25-17618/12 od 09.08.2012. godine	-	1-10 god 7,1% 11-30 god 12 %	3 mjeseca od izdavanja odobrenja za upotrebu
MHE Pepelari	Pepelarska rijeka	Zenica Žepče	448	3,356	„EMY“ d.o.o. Zenica	02-25-24742/13 od 21.11.2013. godine	-	5	3 mjeseca od izdavanja odobrenja za upotrebu

Do sada su izgrađene i puštene u pogon tri male hidroelektrane i to MHE Bistričak, MHE Čajdraš i MHE Čardak. Za MHE „Botašnica-ušće“ i „Rujevica-ušće“ Odlukom Vlade ostavljen je rok do 03.12.2014. godine za izgradnju i stavljanje u probni rad ovih objekata, dok je lokacija MHE Kamenica sporna radi blizine vodopada i granice Parka prirode „Tajan“.

Koncesionar „EBH“ d.o.o. Sarajevo podnio je ovom Ministarstvu zahtjev za ponovno produženje roka za izgradnju i početak komercijalnog pogona MHE „Kamenica“, ali

Koncesionar još uvijek nije pribavio urbanističku saglasnost, tako da je postupak rješavanja zahtjeva u toku.

2. DODJELA KONCESIJA NA VODAMA U 2013. GODINI

2.1. Dodijeljene koncesije

2.1.1. Samoinicijativna ponuda privrednog društva „EMY“ d.o.o. Zenica

Na osnovu samoinicijativne ponude privrednog subjekta „EMY“ d.o.o. Zenica, za dodjelu koncesije za malu hidroelektranu „Pepelari“ snage 448 kW na Pepelarskoj rijeci, na području općina Zenica i Žepče, nakon pribavljanja saglasnosti općinskih vijeća općina Zenica i Žepče, izdavanja prethodne vodne saglasnosti, te stručnih mišljenja općina i Ministarstva za prostorno uređenje, promet i komunikacije i zaštitu okoline Zeničko-dobojskog kantona, te utvrđeno postojanje javnog interesa od strane komisiju, koju je formiralo Ministarstvo za poljoprivredu, šumarstvo i vodoprivredu, na osnovu člana 8. Zakona o koncesijama Zeničko-dobojskog kantona (“Službene novine Zeničko-dobojskog kantona”, broj: 5/03).

Javni poziv za dodjelu predmetne koncesije proveden je na osnovu Odluke Vlade Zeničko-dobojskog kantona o pristupanju provođenja procedure dodjele koncesije za MHE „PEPELARI“, broj: 02-25-2832/13 od 31.01.2013. godine. Dana 15.07.2013. godine, u 12:30 sati, u prostorijama Zeničko-dobojskog kantona, Komisija je pristupila otvaranju pristiglih ponuda. Na osnovu pregleda pristigle ponude, Komisija smatra da ponuđač nije ispunio kvalifikacione uslove iz javnog poziva (tačka VI – „Studija opravdanosti i Idejni projekat“), zbog čega se ista ne može prihvatiti kao kvalificirana, te se kao takva odbacuje.

Na prijedlog ovog Ministarstva Vlade Zeničko-dobojskog kantona donijela je odluku o pristupanju provođenja procedure dodjele koncesije, broj: 02-25-19177/13 od 11.09.2013. godine, raspisan je javni poziv za prikupljanje ponuda za dodjelu koncesije za projektovanje, izgradnju, korištenje i prijenos MHE “PEPELARI“ na Pepelarskoj rijeci, općina Zenica.

Dana 11.11.2013. godine, u 13,00 sati, u prostorijama Zeničko-dobojskog kantona, Komisija je pristupila otvaranju pristiglih ponuda.

Na osnovu pregleda pristigle ponude i izvršene evaluacije ponude Komisija je utvrdila da je za MHE “PEPELARI“ na Pepelarskoj rijeci pristigla jedna ponuda koja ispunjava kvalifikacione uslove iz tenderske dokumentacije (tačka VI i VII), te nakon izvršenog bodovanja predložila Ministru da dostavi Vladi Zeničko-dobojskog kantona prijedlog Odluke o dodjeli koncesije za projektovanje, izgradnju, korištenje i prijenos MHE “PEPELARI“ na Pepelarskoj rijeci, općina Zenica, ponuđaču “EMY” d.o.o. Zenica, te je Vlada Zeničko-dobojskog kantona Odlukom broj: 02-25-24742/13 od 21.11.2013. godine, dodijelila koncesiju za projektovanje, izgradnju, korištenje i prijenos MHE „Pepelari“ na Pepelarskoj rijeci, općine Zenica i Žepče investitoru “EMY” d.o.o. Zenica.

2.2. Postupci koji su u toku

2.2.1. Samoinicijativna ponuda „HARA“ d.o.o. Visoko za dodjelu koncesije za izgradnju male hidrocentrale „Orlja“ na rijeci Orliji.

Nakon što je pribavljeno stručno mišljenje općine Olovo sa aspekta prostoro-planske dokumentacije, zatraženo je mišljenje Ministarstva za prostorno uređenje, promet i komunikacije i zaštitu okoline, odnosno saglasnost Općinskog Vijeća općine Olovo, koje je zaključkom broj: 01-01-3-530/13 od 28.02.2013. godine pokrenulo javnu raspravu o izgradnji MHE na rijeci Orliji. O rezultatima javne rasprave do izrade ove informacije Ministarstvo za poljoprivredu, šumarstvo i vodoprivredu nije obaviješteno, a prema informacijama iz općine Olovo javna rasprava još uvijek nije provedena.

2.2.2. Samoinicijativna ponuda „ENERGONOVA“ d.o.o. Sarajevo za dodjelu koncesije za izgradnju malih hidrocentrala „Čude“ i „Petrovići“ na rijeci Stupčanici. Zatraženo je stručno mišljenje općine Olovo sa aspekta prostoro-planske dokumentacije. Po predmetnom zahtjevu pribavljena je saglasnost Općinskog Vijeća i mišljenje Ministarstva za prostorno uređenje, promet i komunikacije i zaštitu okoline sa aspekta prostorno-planske dokumentacije. Za MHE „Čude“ dato je negativno mišljenje, jer se predmetni lokalitet nalazi u okviru zaštićenog područja klisure Čude, a za MHE „Petrovići“ dato je pozitivno mišljenje, tako da u daljem postupku slijedi pribavljanje prethodne vodne saglasnosti i provođenje javnog poziva za dodjelu koncesije.

2.2.3. JZU „AQUATERM“ Banjsko-rekreativni centar Olovo za dodjelu koncesije za eksploataciju termo-mineralne vode u Olovu. Ministarstvo za poljoprivredu, šumarstvo i vodoprivredu je pribavilo saglasnost Općinskog Vijeća općine Olovo i izdalo vodnu saglasnost u skladu sa Zakonom o vodama, a Komisija za koncesije utvrdila je postojanje javnog interesa za dodjelu predmetne koncesije.

S obzirom da je podnosilac zahtjeva postojeći korisnik Javna zdravstvena ustanova „Aquaterm“ Banjsko-rekreativni centar Olovo, koji je upisan sa trajnim pravom korištenja zemljišta na kojem se nalaze bušotine SB-1 i SB-2, locirane na parcelama k.č. 812/2 i 812/3 K.O. Olovo i da je izgrađen dovodni cjevovod do objekta JZU BRC „AQUATERM“ Olovo sa pratećom opremom, te da je dugi niz godina korisnik termo-mineralne vode, na osnovu čega je Komisija zauzela stav da se u konkretnom slučaju može provesti pregovarački postupak u skladu sa članom 28. Zakona o koncesijama („Službene novine Federacije BiH”, broj: 40/02). Međutim, kako kantonalni Zakon o koncesijama nije ostavio ovu mogućnost, zatraženo je mišljenje od Kantonalnog pravobranilaštva da li se u konkretnom slučaju može primijeniti postupak dodjele predmetne koncesije bez provođenja postupka javnog prikupljanja ponuda, odnosno da li se može primijeniti član 28. federalnog Zakona o koncesijama. Kantonalno pravobranilaštvo je dalo mišljenje da se ne može primijeniti član 28. federalnog Zakona. JZU „AQUATERM“ podnio je zahtjev Ministarstvu za poljoprivredu, šumarstvo i vodoprivredu za rješavanje dodjele koncesije primjenom člana 1. Zakona o dopuni Zakona o koncesijama („Službene novine Zeničko-dobojskog kantona“ broj: 3/13) i zaključenje ugovora o koncesiji, budući da isti već duži niz godina koristi termalnu vodu sa predmetnog izvorišta. S tim u vezi, za dodjelu predmetne koncesije u narednom periodu provesti će se postupak u skladu sa odredbama kantonalnog Zakona o koncesijama.

2.2.4. Samoinicijativna ponuda JP „Vodovod i kanalizacija“ d.o.o. Zenica

JP „ViK“ d.o.o. Zenica podnio je zahtjev broj: 05-25-4368/10 od 24.08.2010. godine, (samoinicijativnu ponudu za dodjelu koncesija) za korištenje pitke vode iz magistralnog vodovoda DN 500 vodozahvata „Kasapovići“ – rezervoar „Crkvice“ za izgradnju male hidroelektrane: „KAMENOLOM“ snage 95 kW, općina Zenica.

Na osnovu člana 8. Zakona o koncesijama Zeničko-dobojskog kantona (“Službene novine Zeničko-dobojskog kantona”, broj: 5/03), Ministarstvo za poljoprivredu, šumarstvo i vodoprivredu je formiralo komisiju radi procjene postojanja javnog interesa za dodjelu predmetne koncesije. Komisija je utvrdila da u konkretnom slučaju postoji javni interes, jer je Općinsko Vijeće općine Zenica dalo svoju saglasnost Zaključkom o davanju prethodne saglasnosti broj: 01-01-18371/12 od 19.09.2012. godine, za dodjelu koncesije za izgradnju MHE „Podjezera“.

Takođe je utvrđeno da sa aspekta prostorno-planske dokumentacije nema smetnji za izgradnju ove male hidroelektrane, jer se lokacija nalazi izvan urbanog područja, u skladu sa pribavljenim Stručnim mišljenjem Općine Zenica broj: 02-23-634/11 od 04.07.2011. godine i Stručnim

mišljenjem Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12-23-6444/11 od 08.05.2012. godine.

U 2013. godini, po službenoj dužnosti ovo Ministarstvo izdalo je Rješenje o prethodnoj vodnoj saglasnosti broj: 05-25-4368-12/11 od 04.03.2013. godine.

Komisija je na sastanku održanom dana 26.04.2013. godine, na osnovu prikupljene dokumentacije i činjenice da J.P. „Vodovod i kanalizacija“ d.o.o. Zenica gazduje objektima na kojima će se graditi objekti MHE „Kamenolom“, zauzela stanovište da se u konkretnom slučaju može primijeniti član 28. Federalnog Zakona o koncesijama („Službene novine Federacije BiH“, broj: 40/02), u smislu isključivog prava korištenja (hitnost pružanja usluga ili postojanja infrastrukture za javnu upotrebu), te da se može istom dodijeliti koncesija bez provođenja postupka javnog prikupljanja ponuda, te je uputilo zahtjev za pravno mišljenje Kantonalnom pravobranilaštvu Zahtjevom broj: 05-25-4368-16 od 26.04.2013. godine i urgenciju broj: 05-25-4368-17/11 od 09.09.2013. godine, nakon čega je stiglo Mišljenje broj: M-25-1/13 od 12.09.2013. godine, a na osnovu kog je Vladi Zeničko-dobojskog kantona dostavljen prijedlog za dodjelu koncesije JP VIK d.o.o. Zenica.

Na osnovu dostavljenog Vlada je donijela Zaključak broj: 02-25 do 618/13 od 26.09.2013. godine, kojim se prijedlog ovog Ministarstva za dodjelu koncesije ne prihvata i zadužuje se ovo Ministarstvo da provede postupak javnog prikupljanja ponuda.

Ovo Ministarstvo je u interesu pravilnog postupanja raspisivanja javnog poziva za prikupljanje ponuda zatražilo 08.10.2013. godine pravno mišljenje od: Ministarstva za pravosuđe i upravu, Sekretarijata za zakonodavstvo i Kantonalnog pravobranilaštva.

Tokom mjeseca decembra 2013. godine zaprimljeni su odgovori gore navedenih radi provođenja narednih aktivnosti.

2.2.5. Samoinicijativna ponuda konzorcija „ADRIA ENERGY“ d.o.o. Zenica

Konzorcij „ADRIA ENERGY“ d.o.o. Zenica, podnio je zahtjev 18.01.2011. godine, (samoinicijativnu ponudu za dodjelu koncesija) za malu hidroelektrane „Ograina“ snage 500 kW na rijeci Ograini, općina Zenica.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Zenica, broj:06-23-10587/11 od 27.06.2011. godine, a nakon toga stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12-23-5056 od 29.09.2012. godine i na kraju Zaključak Općinskog Vijeća općine Zenica o saglasnosti za dodjelu koncesije broj: 01-01-5130/13 od 28.03.2013. godine.

Ministarstvo za poljoprivredu, šumarstvo i vodoprivredu je u skladu sa članom 113. *Zakona o vodama* („Službene novine Federacije BiH“, broj: 70/06), po službenoj dužnosti pokrenulo postupak izdavanja Prethodne vodnu saglasnost.

Obzirom da je podnesak nepotpun, stranka je aktom broj: 05-25-0143-8/13 od 17.05.2013. godine, pozvana da dostavi podatke za upotpunjavanje podneska, ponovni zahtjev za dopunu podneska od 01.08.2013. godine, te ponovni zahtjev za dopunu od 12.11. 2013. godine i od 04.12.2013. godine.

2.2.6. Samoinicijativna ponuda privrednog društva „HIGRACON“ d.o.o. Sarajevo

Privredni subjekt „HIGRACON“ d.o.o. Sarajevo podnio je zahtjev (samoinicijativnu ponudu) broj: 021-01-03/11 od 21.03.2011. godine, za dodjelu koncesija za male hidroelektrane „Tribija“ snage 840 kW i „Ušće“ snage 405 kW na rijeci Tribiji, općina Vareš.

Na osnovu člana 8. Zakona o koncesijama Zeničko-dobojskog kantona ("Službene novine Zeničko-dobojskog kantona", broj: 5/03), Ministarstvo za poljoprivredu, šumarstvo i vodoprivredu je formiralo komisiju radi procjene postojanja javnog interesa za dodjelu predmetne koncesije.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Vareš, broj:02-181/11 od 19.04.2011. godine, a nakon toga stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12-23-2058/11 od 05.07.2011. godine, a nakon toga zbog ukazane potrebe zatraženo je dopunsko stručno mišljenje od Općine Vareš, koje je dostavljeno pod brojem: 02-181/11 od 19.04.2011. godine. Ministarstvo je nakon toga Zahtjevom broj: 05-25-1211-6/11 od 09.01.2012. godine zatražilo saglasnost od Općinskog Vijeća općine Vareš.

Obzirom da u periodu od 17 mjeseci nije dostavljena tražena saglasnost, ponovo je ovo Ministarstvo općini Vareš dostavilo Urgenciju za dostavu saglasnosti broj: 05-25-1211-7/11 od 24.05.2013. godine.

Kao odgovor općina Vareš, (Općinski načelnik) dostavila je stav vezan za traženu saglasnost broj: 02-817/13 od 15.07.2013. godine, u kome se kaže:

- da nisu u mogućnosti dostaviti traženu saglasnost kao i izmjenu prostorno planske dokumentacije, gdje bi bila predviđena lokacija navedenih MHE na rijeci Tribiji, jer izmjena Prostornog plana općine Vareš mora biti usaglašena sa Prostornim planom Kantona, u kojem nisu predviđene lokacije MHE na području općine Vareš.

- obzirom da Prostornim planom Kantona nije predviđena nijedna lokacija MHE na području općine Vareš, potrebno je prvo da se uradi izmjena Prostornog plana Kantona, gdje bi se predvidjele potencijalne lokacije MHE.

- nakon ovog bi bilo moguće pristupiti izradi izmjene Prostornog plana općine Vareš.

Iz navedenog razloga, uzevši u obzir činjenicu da općina Vareš namjerava pokrenuti inicijativu za izmjenu Prostornog plana općine, donesen je Zaključak broj: 05-25-1211-8/11 od 28.08.2013. godine o prekidu pokrenutog postupka, do donošenja izmjena Prostornog plana općine Vareš, kojim bi se eventualno predvidjelo rješenje ponuđeno od strane podnosioca zahtjeva.

2.2.7. Samoinicijativna ponuda privrednog društva „ESKIMO S2“ d.o.o. Travnik

Privredni subjekt „ESKIMO S2“ d.o.o. Travnik, podnio je zahtjev broj: 07-11 od 06.07.2011. godine, (samoinicijativnu ponudu za projektovanje, izgradnju i korištenje) male hidroelektrane „Zagrađska Gradina“ snage 120 kW na rijeci Zgošći, na području općina Kakanj.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Kakanj, broj: 0-02/1-3313/11 od 11.08.2011. godine, Stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12-23-6445/11 od 15.05.2012. godine, zaprimljeno 09.07.2012. g.), a nakon toga Zahtjevom broj:05-25-3430-3/11 od 06.09.2012. godine, zatražilo saglasnost Općinskog Vijeća općine Kakanj.

S obzirom da je Općinsko Vijeće Općine Kakanj donijelo Odluku broj: 0-01/1-298/13 od 27.06.2013. godine o odbijanju zahtjeva za davanje saglasnosti na mogućnost dodjele koncesije za izgradnju MHE „ZAGRAĐSKA GRADINA“ na rijeci Zgošći, Ministarstvo za poljoprivredu, šumarstvo i vodoprivredu je donijelo zaključak broj: 05-25-3430-4/11 od 12.07.2013. godine, kojim se predmet odbacuje jer nema uslova za pokretanje upravnog postupka.

2.2.8. Samoinicijativna ponuda privrednog društva „GTUD DELA“ d.o.o. Kakanj

Privredni subjekt „GTUD DEELA“ d.o.o. Kakanj podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „ŽUĆA-RIJEKA“ snage 502 kW na rijeci Žući, na području općina Kakanj.

Na osnovu člana 8. Zakona o koncesijama Zeničko-dobojskog kantona (“Službene novine Zeničko-dobojskog kantona”, broj: 5/03), Ministarstvo za poljoprivredu, šumarstvo i vodoprivredu je formiralo komisiju radi procjene postojanja javnog interesa za dodjelu predmetne koncesije. Komisija je utvrdila da u konkretnom slučaju postoji javni interes na osnovu: Odluke Općinskog vijeća općine Kakanj, broj: 01-01/1-136/12 od 17.05.2012. godine o davanju prethodne saglasnosti za dodjelu koncesije za izgradnju MHE „ŽUĆA RIJEKA“.

Takođe je utvrđeno da sa aspekta prostorno-planske dokumentacije nema smetnji za izgradnju ove male hidroelektrane na osnovu pribavljenog Stručnog mišljenja Općine Kakanj broj: 0-02/1-1378/12 od 18.05.2012. godine, te Stručnog mišljenja Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12-23-6432/11 od 07.03.2012. godine.

Ministarstvo za poljoprivredu, šumarstvo i vodoprivredu je u skladu sa članom 113. *Zakona o vodama* (“Službene novine Federacije BiH”, broj: 70/06), po službenoj dužnosti izdalo Prethodnu vodnu saglasnost broj: 05-25-4384-8/11 od 13.11.2012. godine, koja je obavezan akt prije pokretanja postupka za dodjelu koncesije. Na prijedlog Ministarstva Vlada Zeničko-dobojskog kantona donijela je Odluku o pristupanju provođenja procedure dodjele koncesije za MHE „ŽUĆA RIJEKA“, broj: 02-25-5283/13 od 04.03.2013. godine.

2.2.9. Samoinicijativna ponuda privrednog društva „GTUD DELA“ d.o.o. Kakanj

Privredni subjekt „GTUD DELA“ d.o.o. Kakanj podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „UŠĆE“ snage 185 kW na Maloj rijeci, na području općina Kakanj.

Na osnovu člana 8. Zakona o koncesijama Zeničko-dobojskog kantona (“Službene novine Zeničko-dobojskog kantona”, broj: 5/03), Ministarstvo za poljoprivredu, šumarstvo i vodoprivredu je formiralo komisiju radi procjene postojanja javnog interesa za dodjelu predmetne koncesije. Komisija je utvrdila da u konkretnom slučaju postoji javni interes na osnovu: Odluke Općinskog vijeća općine Kakanj, broj: 01-01/1-135/12 od 17.05.2012. godine o davanju prethodne saglasnosti za dodjelu koncesije za izgradnju MHE „UŠĆE“.

Takođe je utvrđeno da sa aspekta prostorno-planske dokumentacije nema smetnji za izgradnju ove male hidroelektrane na osnovu pribavljenog Stručnog mišljenja Općine Kakanj broj: 0-02/1-3948/11 od 28.09.2011. godine, te Stručnog mišljenja Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12-23-5705/11 od 29.11.2011. godine (zaprimljeno 21.03.2012. godine).

Ministarstvo za poljoprivredu, šumarstvo i vodoprivredu je u skladu sa članom 113. *Zakona o vodama* (“Službene novine Federacije BiH”, broj: 70/06), po službenoj dužnosti izdalo Prethodnu vodnu saglasnost broj: 05-25-4385-8/11 od 13.11.2012. godine, koja je obavezan akt prije pokretanja postupka za dodjelu koncesije. Na prijedlog Ministarstva Vlada Zeničko-dobojskog kantona donijela je Odluku o pristupanju provođenja procedure dodjele koncesije za MHE „UŠĆE“, broj: 02-25-5282/13 od 04.03.2013. godine.

2.2.10. Samoinicijativna ponuda privrednog društva „GTUD DELA“ d.o.o. Kakanj

Privredni subjekt „GTUD DELA“ d.o.o. Kakanj, podnio je Zahtjev broj: 615-08/11 od 19.08.2011. godine, (samoinicijativnu ponudu) za projektovanje, izgradnju i korištenje male hidroelektrane „MARUŠIĆI“ snage 341 kW na Marušičkoj rijeci, na području općina Kakanj.

Na osnovu člana 8. Zakona o koncesijama Zeničko-dobojskog kantona ("Službene novine Zeničko-dobojskog kantona", broj: 5/03), Ministarstvo za poljoprivredu, šumarstvo i vodoprivredu je formiralo komisiju radi procjene postojanja javnog interesa za dodjelu predmetne koncesije. Komisija je utvrdila da u konkretnom slučaju postoji javni interes na osnovu: Odluke Općinskog vijeća općine Kakanj, broj: 01-01/1-134/12 od 17.05.2012. godine o davanju prethodne saglasnosti za dodjelu koncesije za izgradnju MHE „MARUŠIĆI“.

Takođe je utvrđeno da sa aspekta prostorno-planske dokumentacije nema smetnji za izgradnju ove male hidroelektrane na osnovu pribavljenog Stručnog mišljenja Općine Kakanj broj: 0-02/1-3947/11 od 28.09.2011. godine, te Stručnog mišljenja Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12-23-5704/11 od 15.03.2011. godine. Ministarstvo za poljoprivredu, šumarstvo i vodoprivredu je u skladu sa članom 113. Zakona o vodama ("Službene novine Federacije BiH", broj: 70/06), po službenoj dužnosti izdalo Prethodnu vodnu saglasnost broj: 05-25-4386-8/11 od 13.11.2012. godine, koja je obavezan akt prije pokretanja postupka za dodjelu koncesije. Na prijedlog Ministarstva Vlada Zeničko-dobojskog kantona donijela je Odluku o pristupanju provođenja procedure dodjele koncesije za MHE „MARUŠIĆI“, broj: 02-25-5281/13 od 04.03.2013. godine.

2.2.11. Samoinicijativna ponuda privrednog društva „ESKIMO S2“ d.o.o. Travnik

Privredni subjekt „ESKIMO S2“ d.o.o. Travnik, podnio je zahtjev od 27.09.2011. godine, (samoinicijativnu ponudu) za projektovanje, izgradnju i korištenje male hidroelektrane „Šerići“ snage 238 kW na Šerića rijeci, na području općine Zenica.

U postupku koji prethodi pokretanju provođenja postupka dodjele koncesije, ovo Ministarstvo pribavilo je stručno mišljenje općine Zenica broj: 06-23-5228/11 od 22.11.2011. godine, a nakon toga Zahtjevom broj: 05-25-5228-2/11 od 09.12.2011. godine, zatražilo stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog, koje još nije dostavljeno.

U toku 2012. godine nije dostavljeno stručno mišljenje Ministarstva za prostorno uređenje, promet i komunikacije i zaštitu okoline Zeničko-dobojskog.

Obzirom da u periodu od 17 mjeseci nije dostavljena traženo stručno mišljenje, ponovo je ovo Ministarstvo Ministarstvu za prostorno uređenje, promet i komunikacije i zaštitu okoline Zeničko-dobojskog dostavilo Urgenciju za dostavu saglasnosti broj: 05-25-5228-3/11 od 24.05.2013. godine, na koju nije stigao odgovor.

2.2.12. Samoinicijativna ponuda privrednog društva „BERLIJETA“ d.o.o. Visoko

Privredni subjekt „BERLIJETA“ d.o.o. Visoko, podnio je Zahtjev broj 029/11 od 29.12.2011. godine, za dobijanje koncesije na osnovu samoinicijativne ponude za projektovanje, izgradnju i korištenje male hidroelektrane „Podtušnjici 1“ snage 1,5 MW na rijeci Fojnici, lokalitet Podtušnjici, općina Visoko.

U postupku koji prethodi pokretanju provođenja postupka dodjele koncesije, ovo Ministarstvo zatražilo je stručno mišljenje općine Visoko Zahtjevom broj: 05-25-6538-1/12 od 05.01.2012. godine, a koje još nije dostavljeno.

Obzirom da u periodu od 17 mjeseci nije dostavljena tražena saglasnost, ponovo je ovo Ministarstvo općini Visoko dostavilo Urgenciju za dostavu saglasnosti broj: 05-25-6538-2/11 od 24.05.2013. godine.

Kao odgovor općina Visoko, dostavila je Mišljenje broj: 1864/13 od 10.06.2013. godine, u kome se kaže da je Općinsko vijeće općine Visoko donijelo odluku o pristupanju izrade Prostornog plana općine Visoko.

2.3. Postupci koji su prekinuti ili obustavljeni

2.3.1. Samoinicijativna ponuda privrednih društava „PRIMA KOMERC“ i „ELES“ d.o.o. Zenica za dodjelu koncesije za izgradnju male hidrocentrale „Bistrica“ na rijeci Bistrici. U rješavanju predmetnog postupka pribavljeno je stručno mišljenje općinske Službe za urbanizam i Ministarstva za prostorno uređenje, promet i komunikacije i zaštitu okoline, izdata prethodna vodna saglasnost i pribavljena saglasnost Općinskog Vijeća. S obzirom da je Općinsko Vijeće općine Zenica dodatno donijelo zaključak da se izvod iz stenograma dostavi investitoru radi postupanja po iznesenim sugestijama, koje se odnose na postojanje nekoliko vodenica na predmetnom vodotoku u smislu zaštite lokalnih stanovnika, Komisija za koncesije je zaključila da u konkretnom slučaju treba prije provođenja postupka dodjele koncesije pribaviti okolinsku dozvolu. Iz navedenog razloga postupak je prekinut do pribavljanja okolinske dozvole.

2.3.2. Samoinicijativna ponuda Ružičić Elvire i Lelić Envera, koji su se obratili ovom Ministarstvu zahtjevom od 11.07.2012. godine (zaprimljen dana 04.03.2013. godine) za dodjelu koncesije za projektovanje, izgradnju i prijenos male hidroelektrane „BOSNA“ na rijeci Bosni, na području općine Zenica.

Obzirom da je podnesak bio nepotpun, stranka je aktom broj: 05-25-04961-2/13 od 21.05.2013. godine, pozvana da dostavi podatke za upotpunjavanje podneska.

Pošto podnosilac nije postupio po ovom pozivu u ostavljenom roku i nije dostavio zahtijevanu dokumentaciju, to se nije moglo postupiti po podnesku i isti je u smislu člana 67. *Zakona o upravnom postupku* (“Službene novine Federacije BiH”, broj: 2/98 i 48/99), odbačen i smatra se da nije ni podnesen.

2.3.3. Samoinicijativna ponuda privrednog subjekta JKP „RADNIK“ d.o.o. Zavidovići

JKP „RADNIK“ d.o.o. Zavidovići, obratio se ovom Ministarstvu zahtjevom broj: 1689-R-8-PM-01/13 od 10.05.2013. godine, za dobijanje koncesije na osnovu samoinicijativne ponude za projektovanje, izgradnju i korištenje malih hidroelektrana: MHE „PREKIDNA KOMORA“ snage 52 kW, na 9. (devetom km rijeke Gostović) i MHE „HLORNA STANICA“ snage 54 kW, na 18. (osamnaestom km rijeke Gostović), općina Zavidovići.

S obzirom da je Općinsko Vijeće Općine Zavidovići donijelo Zaključak broj: 01-23-3046/13 od 11.09.2013. godine o odbijanju prijedloga odluke za dodjelu koncesije za korištenje pitke vode iz magistralnog voda vodovoda Suha za izgradnju malih hidroelektrana, to je predmetni postupak obustavljen.

2.3.4. Samoinicijativna ponuda fondacije BOSANSKA PIRAMIDA SUNCE Sarajevo

Fondacija arheološkog parka BOSANSKA PIRAMIDA SUNCE Sarajevo obratila se ovom Ministarstvu zahtjevom, broj: 21-D-04/2013 od 12.04.2013. godine, za dodjelu koncesije za istražne radove za flaširanje vode u tunnelskim sekcijama na lokalitetu „Podzemni labirint Ravne“ u Visokom.

Obzirom da je podnesak bio nepotpun, stranka je aktom broj: 05-25-03908-1/13 od 04.06.2013. godine i aktom broj: 05-25-03908-2/13 od 03.03.2014. godine, pozvana da dostavi podatke za upotpunjavanje podneska.

Pošto podnosilac nije postupio po ovom pozivu u ostavljenom roku i nije dostavio zahtijevanu dokumentaciju, to se ne može postupiti po podnesku i isti je u smislu člana 67. *Zakona o upravnom postupku* (“Službene novine Federacije BiH”, broj: 2/98 i 48/99), odbačen i smatra se kao da nije ni podnesen.

3. KONCESIONA NAKNADA U 2013. GODINI

Na osnovu potpisanih ugovora o koncesiji, koncesionari su preuzeli obavezu plaćanja koncesione naknade. Visina koncesione naknade za flaširanje vode utvrđena je kao procenat od iznosa posebne vodne naknade za korištenje voda za ovu namjenu, a visina koncesione naknade za MHE kao procenat od ukupnog godišnjeg prihoda ostvarenog od prodaje električne energije i to u svakom slučaju putem javnog prikupljanja ponuda.

Osnovica za plaćanje naknade za flaširanje vode je registrovana zahvaćena količina vode, a ne može biti manja od utvrđene minimalne količine iz ugovora (minimalna izdašnost izvorišta), koja je data na koncesiju, dok je osnovica za plaćanje naknade za MHE proizvedena električna energija. Pregled finansijskih obaveza koncesonara dat je u Tabelama 3. i 4., sa iskazanim stanjem potraživanja i dugovanja zaključno sa 31.12.2013. godine.

TABELA 3: Pregled eksploatacionih količina mineralne i prirodne vode i uplata koncesione naknade u 2013. godini

Koncesionar	Iznos koncesione naknade po ugovoru (KM/m ³)	Minimalna količina po ugovoru (m ³ /god)	Ukupni godišnji iznos koncesione naknade (KM)	Ukupna obaveza od zaključenja ugovora do 31.12.2013. godine	Uplaćeno do 2013. godine (KM)	Uplaćeno u 2013. godini (KM)	Ukupno uplate do 31.12.2013. (KM)	Zbirni dug sa 31.12.2012.
1	2	3	4=2x3	5	6	7	8=6+7	9=8-5
„CELVIK – KISELJAK“ d.o.o. Tešanj	2,00	5.018,00	10.036,00	60.864,16	8.384,70	2.360,30	10.745,00	-50.119,16
„Prirodni kiseljak Princess“ d.o.o. Tešanj	1,60	7.488,00	11.980,80	73.430,96	64.582,38	12.461,20	77.043,58	+3.132,22
„MAPEX“ d.o.o. Maglaj	0,77	5.766,80	6.920,16	77.874,86	5.000,00	0,00	5.000,00	-72.874,86
„IRIŠKIĆ“ d.o.o. Tešanj	1,20	14.976,00	17.971,20	108.313,92	33.337,15	3.000,00	36.337,15	-71.976,77
„ZEMA, d.o.o. Tešanj	2,00	14.976,00	29.952,00	184.857,60	146.095,20	31.274,40	177.369,60	-7.488,00
„TEŠANJSKA VRELA“ d.o.o. Tešanj	2,00	3.744,00	7.488,00	45.302,40	8.167,52	0,00	8.167,52	-37.134,88
„VIN-MIS“ d.o.o. Jelah, Tešanj	1,20	5.990,40	7.188,48	37.020,67	9.150,00	0,00	12.850,00	-24.170,67
„MISIR“ d.o.o. Olovo	1,20	2.246,40	2.695,68	16.252,70	0,00	0,00	0,00	-16.252,70
„AZ-EN Petrol“ d.o.o. Tešanj	1,00	7.488,00	7.488,00	14.976,00	2.400,00	600,00	3.000,00	-11.976,00
UKUPNO:	-	-	94.531,84	618.893,27	228.523,95	49.695,90	330.512,85	-288.380,42

Ovdje treba napomenuti da je ugovor sa „VIN-MIS“ d.o.o. Jelah raskinut, a istovremeno je pokrenut postupak utuženja za neizmireni dug.

Takođe je koncesionaru „MISIR“ d.o.o. Olovo dostavljena opomena za neizmireni dug i prijetnja raskidom zbog neizmirenja ugovornih obaveza, dok su ostalim dužnicima dostavljene opomene pred utuženje za nova dugovanja.

Za iskazana dugovanja putem Kantonalnog pravobranilaštva su pokrenuti sudski postupci, a sa pojedinim koncesionarima je zaključena sudska nagodba za plaćanje dugovanja („CELVIK-KISELJAK“ d.o.o Tešanj), dok je u toku postupak zaključenja sudske nagodbe sa „MAPEX“ D.D. i „Tešanjaska vrela“ d.o.o. Tešanj.

TABELA 4: Pregled uplata koncesione naknade za MHE u 2013. godini

Red. Broj	Godina	Proizvedena kol.el.energije (kW)	Uplate koncesionara	Dug
1	2	3	4	5
1.	"ADRIJA-PRODUKT " d.o.o. Zenica (1,1 % od proizvedene el.energije)			
1.1.	2012.		4.273,77	
1.2.	2013.		4.905,74	
	UKUPNO		9.179,51	
2.	JP "ViK" Zenica (2% od proizvedene el.energije)			
2.1.	2012.			
2.2.	2013.		5.051,24	
	UKUPNO		5.051,24	
3.	"EBH" d.o.o. Sarajevo (3,1% od proizvedene el.energije)			
3.1.	2013.		1.363,62	
	UKUPNO		1.363,62	
SVEUKUPNO UPLATE U 2013.			11.320,60 KM	-

Iz navedenih tabela 3. i 4. vidljivo je da je u 2013. godini po osnovu koncesionih naknada naplaćeno ukupno: 61.016,50 KM. Prema zaduženjima i uplatama po osnovu koncesione naknade za korištenje vode proizilazi da ukupan dug sa 31.12.2013. godine iznosi: 288.380,42 KM prema podacima Ministarstva finansija o izvršenim uplatama u izvještajnom periodu. Izvještaj o izvršenim uplatama koncesionih naknada Ministarstvo finansija redovno dostavlja Ministarstvu za poljoprivredu, šumarstvo i vodoprivredu, budući da nadzor nad ispunjenjem obaveza plaćanja naknade za koncesiju vrši Ministarstvo finansija Kantona, u skladu sa članom 23. Zakona o koncesijama („Službene novine Zeničko-dobojskog kantona“, broj: 5/03).

Od ukupno uplaćenih sredstava u 2013. godini 70% ili 42.711,55 KM je alocirano općinama na čijem području se nalazi predmet koncesije, tačnije općini Tešanj iznos od 32.687,13 KM, općini Zenica 9.069,88 KM i općini Zavidovići 954,53 KM, u skladu sa Odlukom Vlade Kantona o načinu raspodjele i korištenju sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13).

U skladu sa članom 3. stav 2. citirane Odluke, o programima realiziranim iz sredstava koje općine dobiju od Kantona kao i visini uloženi sredstava općinska vijeća su dužna jednom godišnje informisati resorna ministarstva.

Općina Tešanj je dostavila izvještaj o utrošku prebačenih sredstava, u kojem je navedeno da je u 2014. godini planiran utrošak sredstava od 27.348,00 KM, a da će se razlika sredstava u iznosu od 4.919,04 KM planirati za utrošaci uzajedno sa sredstvima ubranim u 2014. godini. Sredstva su utrošena za asfaltiranje puta Dolac-Omahići-Jezera, sanaciju LC Miljanovci-OŠ, te za dugovanja za izgradnju puta od ranije.

Općina Zenica je dostavila informaciju prema kojoj su sredstva u iznosu od 9.069,88 KM utrošena za plaćanje nabavke vodovodnog materijala neophodnog za izgradnju dovodnog cjevovoda za naselje Bistrica u MZ Bistrica.

Općina Zavidovići nije dostavila traženi izvještaj.

4. ZAKLJUČAK

U vezi sa transkriptom sa 42. sjednice Skupštine Zeničko-dobojskog kantona, na kojoj je analizirana Informacija o koncesijama na vodama za 2012. godinu, Ministarstvo je u Programu utroška sredstava od koncesija za 2014. godinu planirano izradu Studije o mogućnosti izgradnje malih hidroelektrana u slivu rijeke Tribije i Studiju hidroenergetskog iskorištenja rijeke Gostović, koje bi bile osnov za utvrđivanje javnog interesa i provođenje postupka dodjele koncesija na planski način, uz prethodno pribavljanje saglasnosti lokalnih zajednica. Ovakav pristup garantuje neselektivan pristup i osigurava već kroz samu studiju poštivanje svih zahtjeva (prije svega ekoloških, prostorno-planskih, vodoprivrednih, socioloških i drugih uslova), a sa druge strane optimizaciju hidroenergetskog kapaciteta u nekom slivu. Treba napomenuti da je i dalje prisutan interes investitora za izgradnju malih hidroelektrana.

Kada je u pitanju analiza rada objekata malih hidroelektrana koje su u funkciji, ispostavilo se da su to profitabilni projekti i da imaju potpunu ekonomsku opravdanost.

Posebno treba naglasiti činjenicu da je, sada već relativno davno, pokrenuto donošenje novog federalnog zakona o koncesijama, kojeg je Dom naroda usvojio još u maju 2011. godine, ali još nije bio na dnevnom redu Predstavničkog doma Parlamenta Federacije BiH, s obzirom da je neophodno pitanja koncesije urediti na federalnom nivou, odnosno politiku utvrđivanja koncesione naknade utvrditi jedinstveno na federalnom nivou. Potreba da se ovo pitanje riješi jedinstveno na nivou Federacije BiH je izuzetno značajno, prije svega radi pojednostavljenja postojećih procedura i stvaranja jednakih uslova za investicije.

U toku 2013. godine u proceduri se nalazilo 12 podnesaka privrednih subjekata koji su tražili koncesiju na vodama za navedene namjene. Za svaki od navedenih podnesaka dat je detaljan pregled aktivnosti u 2013. godini.

U 2013. godini je po osnovu koncesionih naknada uplaćeno ukupno: 61.016,50 KM, što je nešto više u odnosu na 2012. godinu u kojoj je uplaćeno 56.566,77 KM. Protiv koncesionara koji imaju iskazano dugovanje pokrenuti su postupci utuženja putem Kantonalnog pravobranilaštva.

Od ukupno uplaćenih sredstava, 70% ili 42.711,55 KM je alocirano općinama na čijem području se nalazi predmet koncesije, tačnije općini Tešanj iznos od 32.687,13 KM, općini Zenica 9.069,88 KM i općini Zavidovići 954,53 KM, u skladu sa Odlukom Vlade Kantona o načinu raspodjele i korištenju sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13). O utrošenim sredstvima izvještaje su dostavile općine Tešanj i Zenica, a općina Zavidovići do momenta izrade ove informacije to nije uradila.

Obrađivač

Senada Dizdar

MINISTAR

Bojan Bošnjak